

續修陝西省通志稿

第七十八册

卷二百五三至二百五四

陝西續修通志稿卷一百五十三

金石十九

唐

長安縣尉楊籌妾王氏墓誌銘

佚
咸通五年見黃氏古誌石華

原石久佚未詳尺寸正書

或云此石在咸陽賈村程氏今未詳所在

毛氏關中金石文字存逸錄

楚國夫人楊氏墓誌銘

咸通六年文編錄

石方二尺八寸共二十六行字數不齊劉允章撰文張宗厚行書撰書刻字人銜名均正書蓋佚存長安白氏

故楚國夫人贈貴妃楊氏墓誌銘并序 翰林學士朝議郎守尚

書戶部郎中知制誥賜紫金魚袋臣劉允章奉勅撰 翰林待詔

將仕郎守四州司馬臣張宗厚奉勅書 翰林待詔承奉郎守建

州長史臣董咸奉勅篆 維咸通六年歲次乙酉四月辛亥朔十

九日己巳楚國夫人楊氏薨於大內享年三十有二皇帝震悼不
視朝者一日越翌日贈貴妃以其年七月廿三日葬于萬年縣崇
道鄉夏侯村禮也皇帝悼薨華之夙殞嗟掖殿之凝塵應視神傷
綢繆睿睠將存懿範用飾遺儀遂詔侍從之臣受以彤管之史臣
實當御承命直書貴妃弘農人也受氏有周分茅往漢伯僑蓋得
姓之始赤泉乃啟土之侯派自河汾誕生淑哲以良家子選居禁
掖而待年于公宮天付凝華柔明有素漸清于保姆之訓肄習於
婉孌之儀悅詩禮以自持頰薄怒而莫犯泊乎顯迴天旨恩拜御
中無錮寵妬媚之心有蹈和納順之譽德隆坤則祚集靈祥嘉夢
屢兆於國香甲觀亟延於皇胤金相璿式玉度蘭儀慶洽代梁運
遷舟壑降齡甚促眞宰何言然而截道驚飆薪火罷續清問不及
於蒙被徵醫無建於秦俞用是纏悲宜乎怛化借使雲陽山下未

央宮中通靈建臺致神設帳烈不誕之方士祖故態於文成徒示
勸求詎瞻髣髴千載兮何有寧一遇之可期所以深軫皇情式備
隆禮刻銘貞石用慰玄扉詞曰 珪月圓明兮中凝瑞光猗蘭擢
穎兮摠翠含芳何陰雲之倏起兮殷維夏之繁霜顧明豔之俄失
兮徒怊悵以仿佯慟皇情兮夙駕去闔闔兮適中野圖甘泉兮何
爲想樂池兮同大夜修容物兮禮有終緘永恨兮意何窮 中書
省刻字官臣強琮刻字

開元寺尊勝陀羅尼經幢

咸佚
通七年書

李君佐建左有光化二年男繼宗題字

咸寧縣志云在開元寺今未詳所在

毛氏關中金石文字存逸

佛頂尊勝陀羅尼石幢

咸存
通八年

石高四尺一寸八面每面廣四寸四行行四十字小註不計正
書存長安任氏

按此幢前二十二行刻陁羅尼呪並註音後刻日光菩薩爲授持大悲心陁羅尼者說大神呪三行又月光菩薩爲授持者說呪三行後署咸通八年歲次丁亥五月己亥朔八日丙午同州長春宮判官將仕郎守監察御史裏行趙龜建立都檢校勾當人陳益刻字魚元誠三行近時出於同州現藏長安任氏

令狐統墓誌銘

佚
咸通八年
文見毛氏關中金石文字存逸考

原石未見不詳尺寸堂姪澄撰文堂姪洵正書并篆額

此誌于同治時出土爲帖賈薛氏所得出售無問津者因磨去文字石作別用可惜也余觀其文體雅潔叙事簡淨因錄之俾傳久遠焉 統爲宰相令狐綯之兄弟行其三代世系詳新唐書宰相世系表中表云統之曾祖崇亮官昌明令祖承簡字居易官太原府功曹參軍皆與誌合而不及贈官又表言統父從

官檢校膳部郎中誌云從官郢州刺史蓋表畧而誌詳也統及其子喬之名表均未載得此可補其闕焉撰文之令狐澄楚之孫綯之子楚綯皆以文名觀澄此撰可謂能嗣家聲矣誌云烈祖贈太師文公即楚也惟傳言贈司空誌作太師爲不同耳書誌之令狐洵表亦未載又誌云丞相夏侯公夏侯孜也今相國徐公徐商也孜于大中十二年四月戊申同平章事商於咸通六年六月同平章事均見新唐書宰相表焦村今屬咸寧金霽霽社在西安府南十五里

毛氏關中金石文字存逸考

按此誌篆蓋而題曰篆額亦爲他誌所無

李君夫人宇文氏墓誌銘

存通八年見陶齋藏石記

石方一尺四寸四分二十五行行二十七字李鄴撰文楚封正書

誌略云夫人姓宇文氏初代武川人太和中遷居洛陽遂爲河

南人也高祖遠惑皇任梁王掾曾祖成器皇任絳州翼城縣丞
贈禮部員外郎祖選皇任御史中丞左遷澧州刺史贈太尉父
瓚現任右散騎常侍夫人工五七言詩詞皆雅正常侍公每賢
之咸通甲申歲因丞相今宛陵楊公媒適隴西李郴時郴官京
兆府參軍也明年郴改長安尉其夏轉監察御史裏行充湖南
都團練判官又明年敕拜祕書郎又明年春夫人得疾長安宣
平里九十日啟手足而化是歲丁亥夏四月辛卯享年三十有
壹以其年八月壬申歸葬長安縣承平鄉龍首原南劉村先塋
有子四人女二人長曰召前婺州義烏縣尉次曰吉前宣州溧
水縣尉次曰占授滁州永陽縣主簿以親喪不之任幼曰同前
明經云云 此石今在西安府學碑林宇文選宇文瓚均見新
唐書宰相世系表遠感及成器之名未載而選贈太尉瓚官右

散騎常侍表中失載得此可補其缺丞相宛陵楊公乃楊收也
新唐書宰相表咸通四年五月己巳翰林學士承旨兵部侍郎
楊收守本官同中書門下平章事七年十月壬申收檢校工部
尚書宣歙池觀察使收字藏之新舊唐書皆有傳

毛氏關中金石文字存逸致

按此石原存碑林光緒二十八年亦爲陶齋攜去

劉仕備墓誌

咸通八年 文見陸氏金石續編

石方一尺九寸二十行行十九字至二十一字不等張象撰文并書在咸寧縣

誌敘仕備之父曰皇諱英閏特進皇字當是衍文特進乃其官
階太宗昭陵陪葬諸碑內豆盧寬碑額曰唐故特進芮定公之
碑不叙其由某階特進某階亦此例也又撰書此誌之張元勿
署銜曰登事郎唐制初入仕版者由將仕郎進授登仕郎後劉
遵禮誌所云開成五年授將仕郎會昌元年授登仕郎是也此

云登事郎疑是筆誤誌中宴作宴聯作聯侵作侵公寶歷二年
公紀綱一郡公性親玄奧三公字皆可刪公咸通七年此公字

當作以

黃氏古誌石華

豕古誌石華作元勿二字殊誤又人懷其惠操心政理二句缺
其惠操三字名定著於紫府句缺著字可據此補之

陸增祥志

劉遵禮墓誌銘

咸通九年文見王氏金石萃編

石方三尺九寸二分四十分行四十字劉瞻撰文崔筠正書并
篆蓋蓋題唐故彭城劉公墓誌第九字在西安府

誌近時出土完具無缺劉君諱遵禮字魯卿自筮仕至終沒皆
兼使職撰文者劉瞻新唐書有傳云劉瑑執政薦爲翰林學士
拜中書舍人進承旨出爲河東節度使咸通十一年以中書侍
郎同中書門下平章事今誌瞻題銜翰林學士承旨守尙書戶
部侍郎與世系表合而守尙書戶部侍郎傳未之及得此則詳

略足備也書方勁似柳誠懸

武氏授堂金石跋

洪福寺尊勝陀羅尼經幢

咸通十年見王石金萃編

八分已斷合之六行字數六十七分五至七面每十面廣五寸四分至七

使王口人建
在西安府

千手千眼大悲心陀羅尼經幢

咸通十二年見王氏金石萃編

石橫廣三尺九寸高一尺六寸共四十二行行約二十字正書
王元懿建在長安縣臥龍寺

李纓妻楊氏墓誌銘

咸通十四年見黃氏古誌石華

石佚未詳尺寸李纓撰文正書

誌云窆于京兆府萬年縣小陽村案此石本出咸寧今未詳所

在矣魏王名佉懿宗子見新唐書十一宗諸子傳

石文字關中逸金

考

千手千眼大悲心陀羅尼經幢

咸通十四年

石高五尺八寸八面每面廣五寸五行七十四字正書

按此幢新出長安城南石尙完好首題佛說千手千眼觀世音菩薩廣大圓滿無礙大悲口口妙章句陀羅尼末書弟子薩壽謹造上件尊勝陀羅尼幢一所願口生功德奉爲先亡父母及亡過七世婆父并法界衆生冥司諸鬼神土地靈口等口願有遠近見聞沐塵霑影者皆悉離解脫生居佛國見佛聞法當來世中同爲法會菩提眷屬維咸通拾肆年歲次癸巳八月口辛酉廿六日戊午建立渤海吳淑刻字

魏公先廟碑

咸通

文見王氏金石萃編

碑上行字幾無致現存者高五寸五分廣四尺三寸六分三政

署使

右碑石裂爲五其四石可次序末十行文不接續故附于後

詩王

按此碑殘缺標題但存判戶部事上柱國賜紫金魚袋魏公先廟碑考其文則鄭國公魏徵之廟而判戶部事不知何人唐書宰相世系表徵之子孫中未有判戶部事者兩唐書徵之後惟五世孫謦相宣宗傳甚詳而其子亦不言判戶部事然魏公先廟始建爲祀鄭公而重修則爲祀謦碑云鄭國文貞公魏氏在貞觀立家廟於長安昌樂里檢長安志昌樂坊在京城朱雀街東第二街有太子太師鄭國魏徵家廟大中中來孫謦爲相再新舊廟以元成爲封祖元成者鄭公之字也則似廟爲謦所重修謦之新廟在大中中則碑亦當立於大中年然以碑文證之文云貞觀立家廟後二百卅五年又云顯考相國位猶滯于三品室未備數顯考相國即謂謦也謦官平章事在大中十年其

卒在十二年廟之始建不知在貞觀何年據鄭公卒于貞觀十六年即以是年爲始至二百卅五年爲僖宗乾符三年則長安志以爲大中新廟者未覈也碑文撰者崔輿結銜存博陵縣開國子輿傳載封博陵子在大中七年碑書鄭公爲祖考其下云皇考妣王考妣玩其文稱祖考妣者始封之祖也皇考妣者曾祖考妣也王考妣者祖考妣也其後所叙世次頗詳而文多缺泐不得見其全矣碑不能確定其歲月姑附咸通之末

王氏金石萃編

強瓊妻瑯琊王氏墓銘經幢

存 乾符三年 見王氏金石萃編

幢高二尺二寸三分 面廣二寸二分 墓銘餘六面 陀羅尼咒每面三行 十三字 至二十字不等 正書 存西安府金龜寺

寺

右瑯琊王夫人墓銘在西安府崇仁寺題云墓銘實與尊勝陀羅尼同刻一幢非埋於窆中者瑯琊字古書多作琅邪此用唐

人俗體夫人爲玉册官內供奉強瓊之妻強氏見於史者唯宋強至及其子淵明瓊任玉册官殆以鑄字供奉者歟文云忽染膏荒之疾借荒爲盲也

錢氏潛研堂金石文跋尾

楊萬歲尊勝陀羅尼經幢

乾符三年見王氏金石萃編

十綳高六尺三寸八分每面廣五寸六分各六行行七十一至七十

趙虔章墓誌銘

乾符三年見陳氏金石續編

石方一尺二寸二十三行行二十十字孫潞撰文姚綱正書在咸寧縣

按趙虔章墓誌銘題云唐故前河南府錄事天水趙公宰相世

系表天水趙氏代王嘉子趙王公輔之後世居隴西天水後徙

京兆表不載虔章無由悉其先代百官志西都東都北都皆有

牧府尹少尹其屬有司錄參軍事錄事錄事四人從九品上掌

正違失莅符印誌稱寵授糺曹之貴卽指河南府錄事故云譽

滿東畿其職掌正違失故云糺曹糺即糾也萬年縣寧安鄉三趙村卽今咸寧縣南十五里三兆社趙兆音近而訛社有鳳栖原顏魯公撰顏勤禮碑寧安鄉鳳棲原亦其地也此石道光中出土及門顧小雲鶴宰米脂時拓寄

陸氏金
石讀編

錢氏女墓誌

乾符五年
文錄後

石方一尺二寸七分八釐叔瑒述蓋題唐故吳興錢氏女墓誌均正書存長安白氏

唐故吳興錢氏女墓誌 叔鄉貢進士瑒述 乾符五年歲次戊

戌十一月壬辰朔廿九日庚申錢氏女烏娘終于長安昭國里祖廟之東偏我烈考故太子賓客贈工部尙書府君諱方義仲兄故戶部巡官試祕書省校書郎府君諱瑒烏娘卽校書府君之長女生三歲其母葛氏卒後十五歲丁校書府君憂服除三歲遭疾終生世二十二年中所賦也如此痛哉而生植慧性夙成淑姿執先

君之喪盡其哀事吾嫂劉夫人之心本乎孝愛異母之屬極其仁
奉長幼之序均其分有自然之深識得自守之常規故其終也雖
家人無不悲以出涕者嗚呼婦容已成天命則天骨肉之痛其可
勝耶即以其年十二月壬戌朔十一日壬申權窆於京兆府萬年
縣甯安鄉三趙村歸祔先封期於吉歲載刻幽石痛不忍銘

楊公女子書墓誌

乾符五年見陶齋藏石記

石方一尺二寸十九行行十九字兄檢撰文并正書

誌畧云口口諱芸字子書隨越國公素之裔顯考公常侍府君
諱發第七女曾祖公諱藏器邠州三水口口顯祖公諱遺直贈
右僕射子書於乾符五歲六月七日終于延福里第春秋卅十
月廿八日葬於長安縣南原姜允村 此石今藏渭南趙氏楊
發字至之爲楊收之兄附見收傳新唐書宰相世系表亦載藏

器等名表云藏器爲三水縣丞則誌中三水二字下缺者當係縣丞二字矣又表云遺直爲濠州錄事參軍其贈右僕射表中未載發之官爵表中亦未書發之子有名樸字文逸者而未載楊檢之名得此均可補其缺焉

毛氏闕中金石文字存逸者

按此石三水下本缺一字當係丞字其一乃顯祖抬頭空格毛氏謂闕二字未詳此石光緒二十八年歸於陶齋

武安君白起廟記

佚文見王氏金石萃編
乾符五年

照襲本錄文不詳尺寸

廟在今咸陽東古杜郵起慘刻獨有將略耳亦祀至今何也壁間記唐乾符五年重修事正書遒勁亦有歐法知唐世官牒無不作佳書也記中所列添置物色有眇子舍十一間沙子三間萃一顏石押衙影等皆不可曉

趙氏石墨鐫華

牛頭寺經幢

乾元六年見王氏金石萃編

佛高五尺六寸四分八分每面廣六寸六分各五行五十字沙門詞浩述并正書宋口口建內佛頂尊臉陀羅尼呶增千

羅手千眼觀世音自在來觀本滅惡趣陀羅尼淨口衆眞言大地藏菩薩

樹眞破地獄眞言普賢善廣滅罪眞言解多生冤結眞言文殊五

按此幢刻咒讚及諸眞言共十一種在長安城南牛頭寺

張師儒墓誌銘

存廣明元年見陶齋藏石記

石高一尺九寸六分廣二尺三十七行行三十八字蔡德章撰文男溥正書

誌畧云公名師儒其先清河人也曾祖景仁祖昊父南素公自

豸府從職授坊州昇平縣主簿秩滿授宣州南陵縣尉乾符五

年八月一日終于宣州權居之所享年七十有二第三男溥護

喪歸京廣明元年十月五日乙酉吉辰歸葬于萬年縣寧安鄉

新塋之禮也夫人王氏引駕王公魯之女有男四人長曰洙義

武軍節度都押衙銀青光祿大夫檢校國子祭酒前隴州長史兼御史中丞次子曰汾豸府從宦次曰溥次曰湜與義武軍節度王公弟左神策軍糧料使宏紹旬當供軍之務有女一人媧同州押衙王袞兒孫二人長名難胡長男洙之子次曰周兒乃是溥之子也孫女二人長適高翊次曰阿宜云云 此石今藏渭南趙氏誌中所載義武軍節度乃王處存也與李克用同平黃巢有好事見新書唐本傳方輿紀要云唐義武節度治定州乾符六年王處存有其地

毛氏關中金石文字存逸攷

按此石光緒二十八年歸於陶齋

萬壽寺記

佚景 文見王氏金石萃編

石高三尺二寸八分廣一尺二寸八分十五行行二十九字柳琬撰文正書

按記爲刺史柳玘撰新唐書柳玘傳玘仲郢第四子官至御史

大夫昭宗欲倚以相中官譖玳煩碎非廊廟器乃止坐事貶瀘
州刺史卒則其撰此碑距卒年不遠矣碑但署刺史而不言瀘
州者何也記云漢長安城本秦離宮也高帝七年長樂宮成自
櫟陽徙都之漢書高帝紀七年二月至長安蕭何治未央宮立
東闕北闕前殿武庫大倉上自櫟陽徙都長安未央宮碑作長
樂宮者本史記語也記又云惠帝視其窄狹發長安男女城長
安云云語亦見漢書惠帝紀五年春正月復發長安六百里內
男女十四萬五千人城長安三十日罷碑不言三十日罷而以
五千作六千則異也長安志秦孝公始都咸陽及并天下置內
史以領關中項籍滅秦分其地爲三封章邯爲雍王都廢邱司
馬欣爲塞王都櫟陽董翳爲翟王都高奴高祖五年在洛陽從
婁敬說始都之此語又與漢書小異又據西京雜記曰未央宮

周匝二十二里九十五步街道周四十七里潘岳關中記未央宮周旋三十一里街道十七里諸說又與碑不同碑稱霸城門外一里許有萬壽寺檢陝西通志載此寺語與碑同而云寺有劉杔撰記誤以柳玘作劉杔也碑又云改僧寺名化度寺改崇福寺溫國寺改崇聖寺經行寺改龍興寺奉恩寺改興福寺今通志所載洪福寺舊在西關貞觀間太宗爲穆皇后追福立爲宏福寺神龍間改爲興福寺溫國寺在城南四十里隋名實際寺開元十五年改爲溫國寺頒政坊龍興寺貞觀五年太子承乾立崇福寺在城東北五十里宣義里則天后建時譯經多于寺此所載不知即碑所稱各寺否也碑云萬壽一寺宣帝親幸賜額此宣帝謂宣宗也

王氏金
萃編

尊勝陀羅尼經幢

乾元文見王氏金石萃編

行禮殘缺存下半高三尺七寸八面各廣七寸每面十二行十三

今在西安府城內臥龍寺方丈院中小楷字極精整唐幢之佳

者毛氏關中金石文字存逸攷

大馬村陔羅尼經幢存年文見王氏金石萃編

己禮不知幾面今僅得存其末一面高七尺二寸廣二尺三寸漫滅

按幢無建立年月末下角有題名五行髣髴存字如此其助緣
鹽醋助緣口食字畫可辨大約是建幢時所助之食物也然他

碑無此式王氏金石萃編

涇陽縣陔羅尼經幢存年月

幢高八尺九寸六分八面各廣七寸五分每面八行行一百十

吳承泌墓誌佚乾寧二年見王氏金石萃編

石佚不計尺寸表庭裕撰文闕湘行書董璽篆蓋在咸寧縣

按吳承泌是內官而唐書無傳撰人裴庭裕僅見全唐詩小傳云庭裕字膺餘昭宗時翰林學士左散騎常侍後貶湖南卒而不詳其里貫其詩有蜀中登第答李搏云何勞問我城都事又高捲絳紗楊氏宅自註云時主文寓楊子巷則是蜀人也其歷官惟翰林學士與此誌結銜合餘俱互異也書者不見其姓名寰宇訪碑錄謂閩湘書當必有據也

王氏金石萃編

大德禪師碑額

存

額高一尺五寸九分廣一尺二寸五分正書皇唐三階大德禪師碑九字存咸寧縣薦福寺

此不知何碑之額今存寺中碑猶存半截卻無一字可見

畢氏關中

金石記

陀羅尼經幢

佚天

復六年

太原郡君許氏建正書

寰宇訪碑錄云在鳳翔縣今未詳所在矣

毛氏關中金石文字
逸考

仁王院碑

佚

全文未見韓擇木八分書

長安縣志云仁王院在省城九府街舊志卽十方院有韓擇木

八分書史惟則篆額

此石久逸存其名以俟考

毛氏關中金石文字
逸考

考

郭敬之神道碑

佚
年月缺

昇平公主墓碑

佚
年月缺

宋張禮遊城南記注云由杜光村南歷仇家莊莊西北有二大

碑一壽州刺史郭敬之神道碑敬之字敬之子儀父也以子儀

貴贈太保徐國公碑額御題韓國公苗晉卿撰序蕭華書其一

郭氏所尙昇平公主墓碑撰人姓名缺

毛氏關中金石文字
逸考

真空寺尼韋提墓誌銘

佚無年

文見黃氏古誌石華

原石久佚辛簿撰文正書

誌云措於萬年縣禦宿鄉案此石本出咸寧今久逸矣

毛氏關中金石

文字存逸考

贈戶部尚書楊貞公瑒廟碑

佚無年月

石久佚李林甫撰文王曾正書王敬從題額

司直廳石幢

佚無年月

石幢不計尺寸鄭模撰文表諸正書存庚申二字當是開成五年積有會昌元年評事李口述一通

寰宇訪碑錄云在長安關中金石記咸寧縣志均云在西安府學按此石今久逸矣司直爲大理寺屬官新唐書百官志大理寺司直六人從六品上評事八人從八品下此幢題名有評事之銜固知其爲大理司直矣司直廳者司直之聽事也古官衙

謂之聽事今則加广作廳與府州縣並列所謂府廳州縣也說文高小堂也从高省同聲又頤篆下云高或从广頤聲金壇段茂堂氏云元次山唐頤銘宋人多謂頤即亭字非也今案可讀如今之廳然則今之廳字即古之高頤二字矣案高頤二字皆讀仄聲蓋廳字本由聽字轉出又與高頤同義故古音皆讀仄聲也其讀平聲則自廣韻始廣韻云廳廳屋也集韻云古者治官處謂之聽事後語省直曰聽故加广增韻聽事言受事察訟於是漢晉皆作聽六朝以來乃始加广

毛氏關中金石文字存逸考

澄覺寺窣堵波造像

存無年日登錄後咒不錄

石方二尺四寸四周有殘缺一面無陀像三面序文并經咒正而十六行兩側各八行行十六字比丘尼伏力謹造

聞夫摩伽國內靈塔下開滬瀆江中神龕上湧自茲厥後寶刹相望無憂恢建於西天法子規崇於東夏粵有澄覺寺清信比丘尼

續陝西通志卷一百三十三
伏力謹拾衣鉢上爲國家下該含類敬造石窣堵波塔塔中造阿
彌陀像一鋪并鑿寫佛頂尊勝陀羅尼咒庶茲妙福口泱無垠佛
頂尊勝陀羅尼口口口口罪口口口口口一切穢惡口口口口
口口口口尼婆享口上口口口口口口口中於幢等上或見或與
口近其影暎身或風吹陀羅尼幢上塵落在身上蠢動含靈乃至
蟻子一經其耳口不受惡報之身薄口短命衆生更延壽命即說
咒曰

按此石近時出於潼關其書法與昭仁寺碑絕相似亦唐代之
佳者現藏三原馬氏

白石殘經

存無年月

按此石高廣均二尺六寸有奇三十八行行三字至三十七八
字不等蓋早爲無識者毀方爲圓耳既無首尾亦無年月且缺

書建人名惟白石晶瑩書法精妙與隴州開元寺經幢相伯仲
實唐人刻意之作截長補短猶得一千餘字如此佳品誠不易
得竟爲村人鑿毀殊可惜也此石最近出於藍田現存估商李
氏

歐陽瑛夫人裴氏墓誌銘

佚
無年月

石佚未詳尺寸白季隨纂文正書

誌略云涇陽縣尉歐陽瑛又云天興縣邵吉原從先塋禮也又
云歐陽族渤海郡厥先尙矣曾祖諱皇朝散大夫洛缺又云邢
州距鹿縣令云云 此石本出鳳翔今歸岐山縣知縣灌縣胡
鴻賓大令僅存一角已佚大半諱爲率更兄弟行新唐書宰相
世系表云爲鞏縣令此誌朝散大夫下有一洛字當係洛州鞏
縣令也表云諱子名禎未載官職未知即瑛祖父否 新唐書

地理志鳳翔有邵吉府此誌邵吉原當以此得名唐天興縣卽今鳳翔縣 文獻通考選舉考唐建中元年經學優深科白季隨及第卽撰此誌之白季隨也 毛氏關中金石文字存逸致

爾朱達墓碣

存無年月 文見王氏金石萃編

碣高廣俱一尺七寸五分二十五行行二十四字程彥矩撰文正書在邵陽縣朱家河

朱家河本名大谷河世傳爾朱之後改爲朱氏居于河濱因建達廟砌此碣於廟內近世陝人某作彼縣志卽以此爲廟碑誤

矣

畢氏關中金石記

右爾朱達墓碣廣平程彥矩撰攷其歷官始爲懷州軍事押衙改授山南東道節度散兵馬使改東都留守押衙洪容齋續筆云唐自肅代以後賞人以官爵久而浸濫下至州郡胥吏軍班校伍一命便帶銀青光祿大夫階殆與無官爵者等明宗長興

二年詔不得薦銀青階爲州縣官賤之至矣此爾朱達正以軍
校而帶銀青階者也達卒於江陵府無競里私第歸葬同州澄
城縣武安鄉碣已損一角有年月而不得其紀年大約在中葉
以後矣江陵嚴侍讀道甫遊秦中搨以見貽云石在郃陽縣西
卅里朱家河自來收金石家所未見也

錢氏潛研堂金石文字

寂照和上碑

存無年月文見王氏金石萃編

碑高五尺七寸廣二尺九寸三十八行五十二字
僧无可正書額題唐故安國寺照和上碑九十二字
額篆成式書在

咸陽縣

此碑在咸陽西馬跑泉地中武功康子秀先生過而識之以語
土人豎於道旁其後王咸陽移之咸陽城中寺以碑有安國寺
字遂改名其寺爲安國寺按碑段成式撰僧无可書成式文筆
自奇此文爲佛尤言奇无可賈島從弟有詩集傳世其書法出

柳誠懸子秀名樛太史德涵子也

趙氏石墨錄華

碑文險怪用內典字極夥樊宗師之流亞也有云西方聖人設戒二百五十魏書釋老志爲沙門者初修十誡而終于二百五十則具之成大僧婦人道者曰比丘尼其誠至于五百隨事增數在于防心攝身正口古之僧尼未有不從律戒入者今則以禪悟爲上乘置戒律于不復道矣

葉氏金石補錄

按照和上卒于大和七年冬季而立碑無年月顧氏金石記題云開成六年王氏金石萃編有添註二行云開成六年歲次辛酉正月癸酉朔六日戊寅門人圓進維慶等同建謂从舊拓本補入則顧氏之說不爲無稽然原石具存且完整並無添註之字或者另刻小石早就淪亡惟開成五年正月文帝卽崩武宗改元會昌是開成並無六年秉筆者何其謬也此碑段成式纂

銜刻於文前而无可之書顧元之篆與李郢刻字則刻銘後

陳居士塔銘

佚無年月

全文未見

石墨鐫華云武功人有耕而獲斷碑首題曰大唐潁川陳居士塔銘篆書下有數十字首云居士諱生字善慶正書俱有法焉按此石今久逸矣

毛氏關中金石文字存逸考

殘經幢

存無年月正書

幢殘缺已甚僅餘一尺餘字數亦磨泐無考在三原縣

在三原縣學使署中跋云吳縣郭鳳翔於三原城東訪得此石

移置學署西院錢塘沈兆霖

毛氏關中金石文字存逸考

金剛經殘幢

存無年月正書

陀羅尼殘幢

存無年月行書

按右二幢均八面惟殘缺已甚文字磨滅不能成讀均在乾州

大馬村

開福寺經幢

佚年 月 缺

開元寺經幢

佚年 月 缺

上下俱失 上存二尺許經序自爾時三十三天起

開元寺唐梵二體經幢

佚無年 月

沙門海覺海梵書

香積寺經幢

佚年 月 泐

張延美自述及睿屬題名末又有開元寺青龍院三峯石作等字

按右四幢據寰宇訪碑錄云均在咸寧今徧訪不得姑存其名

慈恩寺經幢

存年 月 正書 泐

去字跡漫漶末二行筆跡且不類有大朝丙午仲夏字蓋元人磨

長明燈臺經幢

佚無年月

咸寧縣志云幢六面三面刻佛像三面刻經下截缺在牛頭寺

今未詳所在

毛氏關中金石文字存逸致

湘子廟經幢

存年月缺

石高五尺四寸八面每面廣五寸五行字數不斷正書
上題大唐京兆府長安縣孝悌九子焦福昌造

今在西安府城內湘子廟街湘子廟內毛鳳枝訪得之

毛氏關金石

文字存逸致

口徽經幢

存年月

石高五尺二寸八面每面廣五寸五行字漫漶不計正書
後題佛弟子惠敬名

今在西安府城內書院門街寶慶寺大殿後院中石墨鐫華載

劉慎徽所書石幢趙子頡以爲佳品此幢徽字上慎字右邊眞

字末筆尙可辨識當係劉慎徽所書經幢也字跡頗爲迺美寺

僧置之穢處余訪得此石因募人移於淨所拓得數紙以歸又

此幢之名亦見錢竹汀先生潛研堂金石文字目錄中

毛氏關金石

文字存
逸致

殘經幢

存無年月

存下截尺許中有中散大夫試太子左贊善五行未育六日建
字經行書記正書

今在西安府學碑林新唐書百官志東宮官屬左春坊左贊善

大夫五人正五品上

毛氏關中金石文字存逸致

香城寺經幢

存無年月

按幢甚漫漶不能成讀

西五台經幢

存無年月

按此幢殘缺不完字跡漫漶亦不辨所刻何經

朱庭璋造像殘字

佚無年月

按寰宇訪碑錄云在長安今不詳所在

大士廟經幢

無佚
年 月

按長安縣志云在縣西三橋鎮今訪不得矣

百塔寺經幢

無佚
年 月 正 書

普賢寺經幢

無佚
年 月 正 書

右二種長安縣志云均在百塔寺今未詳所在

文毛氏關中金石

尊勝陀羅尼經并大悲咒石幢

存 文見王氏金石萃編
無 年 月

幢上殘闕僅存高五尺八寸七分八面廣八寸七分十分一作兩字

書上截各九行每行約六十字下截各十行七字十分一作兩字

尊勝陀羅尼并寶幢銘石幢

存 文見王氏金石萃編
無 年 月

或幢八行七尺五寸三分七八寸每面廣八寸或六寸二行銘序或行七書

在 陽 縣 涇

尊勝陀羅尼經幢

存無年月文見王氏金石萃編

鐘高七尺四分七面每面廣七寸各七行行六十五字正書在法門寺

陀羅尼經幢

存無年月

鐘殘缺僅存高一尺七寸八面廣六寸六行每行存十七八字不等正書在西安府慈恩寺

尊勝陀羅尼經幢

存無年月

鐘殘缺止存上八字不等行三寸八面廣六寸三分各七行行存二十字十七八

石鼓尊勝經幢

存無年月

鼓已殘周圍現存高一丈八寸五分廣二尺八寸六十八行行存二十餘字在醴泉縣廣濟寺後

此以石爲鼓而週刻之其文尊勝經咒也書適健有法存者不

能強半鼓下作石山山上作天王鬼神戴之斧鑿工甚奇在醴

泉縣趙村廣濟寺後疑是唐初建寺時物寺僧不知護持鼓下

爲溷側可慨也

趙氏石壘銘

西明寺尊勝陀羅尼經幢

存年月 文見王氏金石萃編

幢八面上截已斷僅高三尺七寸五分每面廣七寸五分或行七寸八分不等各八行字數無考其證與人名分上下兩截刻行

書在西安府

按經文六面後二面有題名幢記書撰年月皆不可攷

王氏金石萃編

香城寺尊勝陀羅尼經幢

存年月

幢八面刻今存五高七尺六寸六分廣七寸字數不計正書在西安府香城寺

按幢末有清信男子張口美并眷屬梁氏造幢寫經始末四行文已半泐不錄香城寺咸寧縣志在城內錢局創自石晉思遠禪師則在唐時尙未有寺安得建幢幢記不詳年月又無香城寺明文或係他處移來姑附於此

王氏金石萃編

尊勝陀羅尼經幢

未詳所在年月

幢八面首三面有武后製字餘俱後時補刻下存戊午歲三月

陀羅尼經幢

存年月泐

石破裂僅存上截字數體積中有武后製字在涇陽縣

寰宇訪碑錄云在涇陽縣潛研堂金石文字目錄云此幢行書

雜隸體焉

毛氏關中金石文字存逸考

按佛法自後漢流入中國歷南北朝以迄隋唐日興月盛而佞佛之法亦月異而歲不同始則施佛頂禮以乞無量之福故除造像無他法也自玄奘取經東還太宗高宗尊爲聖教御製序記風靡一時士大夫尤而效之以宣揚爲佞佛之妙法而寫經又爲宣揚之捷徑寫之不足遂刻經打本以資迅速而經幢乃不可勝記所刻之經則心經金剛經觀世音咒而外惟佛頂尊勝陀羅尼經咒爲最夥以漢地衆生惡業惟此經能滅除之係佛陀利二次由西國取來不在六百五十七部之內所謂對症

發藥故信奉者尤衆經者顯教咒者祕教凡三千二十言迭次奉詔翻譯譯本有四一杜行顛一佛陀波利一義淨一地婆訶羅關中經幢全刻佛陀波利譯本殆以其原取經人必有獨得之真諦也王氏金石萃編著錄六十餘種在陝五十餘今再加訪集漫漶者概行刪弃數且及百與歷朝造像相埒而文字率秀逸可觀均堪寶貴不同造像之蕪雜由刻經全出土夫與造像悉由己意文野懸殊而佛法之駸駸日上於此益見至翻譯原委訓名釋義王氏論之詳矣不復贅

涅槃一方

存 文錄後

高五寸廣三寸強一面佛像一面十二字陽文八分格

大唐善業涅槃得真如妙色身

按此涅槃質甚細其堅如石陽文修整秀逸在虞歐之間洵佳品

也今藏長安段氏

瓦當二種

光被四表

按右瓦出醴泉昭陵較漢瓦當形製爲小文字非篆非行非隸
光緒三十年善化程君勤燁遊昭陵得破瓦二合成此文携以
入京今不知所在

唐受天命

按右瓦形製粗小出三原縣東北四十里唐村坡下宋修唐高
祖廟址光緒三十四年三原令德銳祭獻陵遇雨其從者覆車
於此起轍淤泥獲殘瓦二有此四字隸書方整然頗漫漶或疑
宋制未必然也

太倉和籩粟窖甄文四種

佚

文見陸氏金石續編

一縱橫各一尺五分八行行十字至十四字不等共九十二字
正書貞觀十四年

一縱橫各一尺五分十一行行十四字至二十字不等共一百
六十二字正書貞觀二十三年

一縱橫各一尺一寸十行行十九字至十七字不等共一百三
十四字正書大中十年

一縱橫各一尺一寸十一行行十六字至十九字不等共一百
八十一字正書大中十一年

按右和籀篆甄四種嘉慶間出土陳於長安市上爲宜興湯希
山吏目所得携之南旋矣

五代

重修法門寺塔廟記

存 天祐 文 見 十九年 王氏金石萃編

碑高七尺一寸八分廣三尺八寸三十分行五十二字至五十四字不等薛昌序撰文王仁恭正書孫福編字在扶風縣

碑稱天祐十九年是時唐亡已久李茂貞尙稱唐年號又二年而莊宗取梁茂貞稱臣又一年而茂貞死戰爭之時得作此佛事者以梁晉構兵茂貞偷安故也按傳茂貞先稱岐王莊宗改封秦王據碑則已先稱秦王矣碑王仁恭書亦精勁有法

趙氏石墨編華

天祐十九年卽梁主瑱之龍德二年也秦王即李茂貞唐亡梁稱帝改元開平日茂貞與李克用並襲天祐蜀王建稱天復七年以明年改元武成吳楊渥稱天祐十五年以明年改元武義並是也茂貞踞有鳳翔等二十州于梁主瑱貞明乙亥丙子之間鳳翔爲蜀所克史不言復爲茂貞所有據碑可見其脫誤碑又稱天復十二年十九年二十年天復之十二年卽天祐九年其十九二十年則天祐十六十七兩年也是茂貞稱天復天祐

年號之限克用專稱天祐茂貞兼用天復天祐此其所異者也
茂貞本姓宋僖宗賜姓爲李氏或云茂貞封秦王在同光初天
祐十九年不得有是稱案天祐十九年即梁亡之年明年則爲
同光元年豈茂貞自稱爲秦王莊宗因是封之耶蓋不獨武都
楊盛不改義熙年號比志於陶靖節矣

畢氏關中金石記

劉源李彥鏞等重立秦王碑題名

佚天祐二十年

天祐二十年癸未四月立正書在扶風法門寺秦王重修法門
寺塔廟記之側 是爲後唐同光元年是年四月己巳存勗稱
制改元己巳當是二十五日此云四月二十九日是存勗己巳
五日矣

畢氏關中金石記

折嗣祚碑

存年文見王氏金石萃編

碑高九尺廣三尺七寸前面已缺僅存二十八行正書字數刻
蝕無可考在府谷縣

按碑殘缺無年月諱字可見但據文中有昔先生求枚嗣祚之語知折君名嗣祚耳凡碑叙事皆稱爲公此語直言嗣祚蓋承先王爲言明尊君也嗣祚有子五人次曰從遠五代史有折從阮傳云從阮字可久本名從遠避漢高祖舊名故改下字即此人也傳稱父嗣倫爲麟州刺史今作嗣祚與史異然云享齡五十終祿於麟郡是嗣祚終麟州刺史與傳合即嗣倫無疑矣舊史從阮傳唐莊宗初有河朔之地以代兆諸郡屢爲邊患起從阮爲河東牙將領府州副使同光中始授府州刺史碑稱從阮動合楷模缺府府州副使又云當今晉王感公有大忠於王室是碑之立當在同光改元以前故尙稱晉王耳碑叙嗣祚世系行事頗詳而剝蝕過甚無從據以補史惜哉

王氏金石萃編

賜長興萬壽禪院牒

存長興三年見王氏金石萃編

石高四尺廣三尺十行行十字十一字不等正書在鳳翔府

按是牒頒於長興三年九月刻宋鳳翔府停廢寺院牒之下截
張虔釗遼州人舊五代史本傳云長興中爲山南西道節度使
兼西面馬部軍都部署碑稱興元節度使則虔釗奏薦青峯禪
院乞賜院額即在長興初矣末題門下侍郎平章事李者李愚
也愚以是年八月丙寅由宰臣爲門下侍郎同平章事監修國

史見明宗本紀

王氏金石萃編

張希崇華嶽題名

存清泰二年文見王氏金石萃編

題名四行字數不等正書左行在華嶽廟

按是題在崔伯恭題名之右首行張希崇以下殘闕舊史希崇
傳云希崇少通左氏春秋復癖於吟咏天祐中依劉守光爲裨
將後隸周德威麾下守平州爲案巴堅所畧詢希崇知爲儒人

因授元帥府判官後遷盧龍軍行軍司馬繼改蕃漢都提舉使
天成初爲平州節度使尋以管內生口二萬餘南歸唐明宗嘉
之授汝州防禦使歷二年遷靈州兩使留後告諭邊士廣務屯
田歲餘軍食大濟璽書褒之因正授旄節清泰中希崇厭其雜
俗頰表請覲詔許之云云此刻稱歸闕時清泰二年十月因謁
清廟乃留是題必由靈州歸闕時所題也

王氏金石萃編

楊凝式題名

清泰

原石已佚清泰乙未口月刻行書

王應麟云華嶽題名自開元迄清泰所稱清泰蓋即此是也黃
庭堅云見顏魯公書則知歐虞褚未入右軍之室見楊少師書
然後知徐沈有塵埃氣少師筆札重于一時得片紙寸書者寶
逾共貝而此題石竟埋湮于殘題斷砌之間數百年莫有問之

者于以見採錄之功爲不小也

畢氏關中金石記

移文宣王廟記

存開運三年文見王氏金石萃編

碑高四尺五寸廣二尺九寸七分二十七行行十八字至二十字不等楊思進行書在大荔縣

按碑馮道撰記其再鎮同州時移置文宣王廟始末僅四百餘字文云清泰中道初領鎮之時徧謁廟之際又云民未蘇而責躬廟纔成而赴闕別離七縣倏忽十年今又此來固非所望攷舊史道本傳云唐末帝嗣位以道爲山陵使禮畢出鎮同州未幾入爲司空又晉少帝即位出道同州節度使歲餘移鎮南陽據碑所稱移建孔廟適當是時而其移鎮南陽當在開運三年正月以後自清泰二年乙未至開運三年丙午中隔十載所謂別離七縣倏忽十年也陶岳五代史補載道鎮同州有酒務吏乞以家財修夫子廟道以狀付判官參詳其事判官素滑稽因

以一絕書判後云荆棘森森繞杏壇儒官高貴盡偷安若教酒
務修夫子覺我慚惶也大難道覽之有愧色因出俸重創之今
碑文自叙移廟之事其言似出至誠且云濫爲弟子忝作公侯
得富貴而因詩書擁旌旄而輕俎豆何以爲漢相何以見魯人
云云詞甚悱惻自非有激而爲此舉者酒務出財判官滑稽之
說恐未必確抑道旣出俸重修欲雪前憾故作此誠敬語耶碑
末題銜稱守正宏德保邦致理功臣匡國軍節度管內觀察處
置等使開府儀同三司檢校太師兼侍中使持節同州諸軍事
行同州刺史上柱國秦國公食邑八千五百戶食實封一千二
百戶自匡國軍節度使外歐史皆略不載薛史述其長樂老自
叙一篇所記生平仕履甚詳云特進開府儀同三司再授匡國
軍節度同州管內觀察處置等使檢校太師兼侍中再封秦國

公上柱國守正崇德保邦致理功臣皆與碑合惟宏德作崇德
彼此不同疑傳寫之誤當援碑正之 王氏金石萃編

廣慈禪院殘牒

佚 廣順三年 見王氏金石萃編

碑上下殘缺高二尺七寸廣二尺六寸五分兩面書行數字數
無考行書在成寧縣

按此碑殘闕第四行順上一字不可見牒尾署銜有宣徽南院
使判軍府事袁者袁義也義於廣順二年十月由宣徽南院使
權知永興軍府事見舊史周太祖記此碑後列天福四年賣宅
人姓氏天福爲晉高祖建元蓋刻碑時追書其事猶顯德二年
永興軍牒附書廣順二年重修水磨寺僧名也 王氏金石萃編

樂安公主祭告題名

佚 廣順

廣順癸丑六月刻口遜正書在華嶽廟

畢氏關中金石記

永興軍牒

佚 順德二年 見王氏金石萃編

碑高三尺二寸五分廣一尺四寸二十三行行十五六字不等
行書在西安府

按牒頒於顯德二年七月蓋顯德初詔并天下寺觀有敕額者
存無敕額者停廢此牒所列應存者十處應廢者十處皆就永
興軍言之然長安志惟載開元清涼二寺知其餘八處宋時亦
不存矣後題中書侍郎平章事景中書侍郎兼禮部尙書平章
事王者景範王溥也是時兩人正居此職與史皆合

王氏金石
萃編

廣慈禪院記

顯德二年文見王氏金石萃編

碑十五行行字無考額僅存較則廣三字並正書劉從父撰文在

成寧縣

重修文昌廟記

顯德五年文錄後

石上殘缺中裂爲二現存高二尺一寸廣四尺四十二行行字
數無考劉從父撰文正書在西安碑林

首行全缺

兼殿中侍御史劉從父撰

以序四民之業故

曰強不缺壽昌藏文顯用以來漸成奸詐眷言缺海澄波當闖外

之罷征念關中之待治缺旬斯時也今稱盛府昔號名都黃圖赤

縣缺綺錯里閨星繁臨高乎翼張守要而襟束缺道往來資糧屏

屨之饋治煩按劇非缺靜勤身以致力因事以致宜鏡懸而遠取

四缺後甲每出令以風行今務昔濡聽徒譎而嚮合缺溫所以致

其附剛而斷所以滅其私寬而粟所缺樹其仁而恤隱絕其利而

革邪引義以正其身缺口曲盡其能比夫黃霸米鹽細民受賜李

崇桴鼓缺語哉於是急務皆臻葢年盡化嘗以府衙本文昌缺年

祀竊遠棟宇傾頽因周覽疚懷不怡終日且曰缺高張提八校而

正軍容備九牢而迎缺口于歡有司決具獄之寃裨將展屬韃之

禮雖迴缺字荒階畧無完緝寒來暑往但恣因循乃命度力缺於

舊趾聳崇構於新規危簷竊若以雲橫大厦巋缺棟虹舒見暫勞

續來百通志高缺卷一百五十二金石十九 二十一

永逸之謀見經始圖終之義缺 奐翬飛見府城之改觀加以不貪

爲寶以缺之高封不輕稼穡耀缺 絕歌堂舞閣之歡屏飛蓋照基

之樂匪關謀政無缺山之儀形作缺 叨依缺三千雖摩接武鐵錢

十萬敢謂憐才奉命直書俾刊缺 將來時顯德五年歲次戊午九

月一日記缺 朝請大夫檢校尚書工部員外郎兼殿中侍御史柱

國武廷訓缺 書記朝議郎試大理司直兼殿中御史劉從父缺

大夫試大理司直守少尹兼監察御史范晞缺 檢校尚書戶部

郎中守少尹兼侍御史崔絢缺 官朝散大夫試大理司直兼殿

中侍御史武若訥缺 官朝散大夫檢校尚書兵部郎中兼御史

中丞賜紫金魚袋施繼業缺 金紫光祿大夫檢校司徒兼御史

大夫上柱國朱廷規缺 司馬金紫光祿大夫檢校司徒兼御史

大夫上柱國孫暉缺 處置等使特進檢校太尉兼侍中行京兆

尹上柱國瑯琊郡開國公食邑三千五百戶食實封九百戶王彥超

按此碑未經前人著錄宋史王彥超傳周顯德初爲河中節度使後遷京兆尹六年移鎮鳳翔宋初重鎮永興軍此顯德五年重修文昌廟正其初任京兆時也後又重修文宣王廟開元寺乃其再鎮永興時事故此結銜爲周之節帥後結銜爲宋之功臣也劉從乂史無其人畢氏關中金石記王氏金石萃編謂即文苑傳中之從義然亦無所證實或屬其兄弟行要必以侍御史爲節帥僚屬故王彥超屢有興作皆從乂爲之撰文也長安當後漢時經趙思綰之亂城之圍者經年至於殺人而食公所寺院強半毀廢故顯德以後多所重修耳

石暎墓誌銘

存年 月 文 見 陸 氏 金 石 續 編

石像各一尺七寸五分二行二十字至第二十字篆書不
等朱仲武撰文并行書蓋題大漢故石府君墓誌第九字篆書

府碑林
在西安

右石暎墓誌并蓋二石嘉慶二十二年出土卒年缺葬書甲子
而不書國號年號閱題蓋篆書乃知仕於北漢者按北漢高祖
劉知遠以丁未歲稱帝都汴仍稱天福子隱帝承祐乾祐三年
爲周所篡辛亥知遠弟崇稱帝於晉陽仍稱乾祐崇卒子承鈞
嗣丁巳改元天會戊辰承鈞卒子繼恩立被弑弟繼元立改元
廣運宋太宗太平興國四年親征太原繼元降北漢前二主四
年後四主二十八年凡三十二年歲次甲子北漢天會八年實
宋太祖乾德二年暎爲劉氏舊臣故蓋題大漢宋旣受命故稱
前朝不書天會亦不書乾德猶陶靖節於晉宋之際但以甲子
紀年也歐陽五代史謂亂世縉紳無復廉恥所傳一行僅四五

人若暎之敦素晦跡與朱仲武之書法不苟不尙可道歟京兆
在北漢爲永興軍宋初則爲陝西路旋置永興軍路其云率先
義勇克集茂勳或即指隱帝二年平趙思綰之亂也六典左右
武衛中郎將各一人正四品掌領其府校尉旅帥翊衛中屬以
宿衛而總其府事太子通事舍人正七品下掌導引東官諸臣
辭見之禮及承令勞問之事

陸氏金石續編

性質溫溫黃氏作性柔謨又黃氏編列宋初按是時宋雖已受
命尙是天會八年蓋題大漢列於北漢爲得實也

陸增祥志

廣慈院東北兩莊地土牒

佚天
福六年

原石佚係天福六年八月立正書在咸寧香城寺

牒爲晉天福時給其立石則在宋淳化三年六月

畢氏關中金
石記

編纂渭南武樹善

陝西續修通志稿卷一百五十四

金石二十

宋

宋保寧寺鐘

存 款見王氏金石萃編

鐘高四尺四寸八分周圍八面共寬一丈二尺六分每面作三截中截無字餘皆三分周圍二字下四字正書在興平縣保寧寺

款內稱府主者知京兆府事者也內品者內侍官也所謂把門

內品後苑內品是也鎮將及副鎮則鎮砦官耳

畢氏關中金石記

按款云皇千主秋府歲萬口應讀云皇帝萬歲府主千秋蓋款

文錯置也年月一行云大宋國大宋下加國字始見于此陝西

通志保寧寺在興平縣西街而興建不詳鐘亦未及

王氏金石萃編

臥龍寺鐘款

存 款見陸氏金石續編

鐘高四尺六寸周圍一丈三尺八分每面一十一四字為皇帝萬歲文

名多闕文
間有陰文

淨安寺鐘

存 崇寧四年 見王氏金石萃編

鐘刻字凡四面行字皆不等正書在朝邑縣

寺故址在渭水濱元至正元年沒于渭明改建于王林村欸云
同州朝邑縣魯苑鄉金史有鎮名四而無魯苑之名亦可補地
志之缺 畢氏關中金石記

郃陽縣鐵醮盆

存 文錄後 政和三年

盆圍一丈二尺五寸文刻盆邊周圍在光濟寺

同州郃陽縣仙宮鄉刑庄社糾首王海男王俊趙寶王希席興
王棟有願心鑄造醮盆一口并鐵索獻上白桑神三郎九郎政
和三年癸巳孟夏壬午朔己亥十八日記

星羅寺鐘銘

存 嘉定

原鐘未見不詳尺寸

嘉定甲申二月造兩截上截篆書有四神立像下截銘及題名

正書在興安州今興安府城南純陽宮畢兵關中金石記

鳳翔府停廢寺院牒存文見王氏金石萃編

石高二尺七寸廣二尺五分上中下三截上十七行行十一字
十四字不等中十二行皆書法名下刻長興萬壽禪院牒行十三

按碑刻長興萬壽禪院牒陝西通志鳳翔府寺觀無長興萬壽
禪院名故興廢無攷牒載准顯德二年五月七日勅文應天下
僧尼寺院除已指揮存留外其餘並行停廢毀折者此勅舊五
代史載之最詳是月戊辰朔七日乃甲戌也通鑑載天下寺院
非勅額者悉廢之禁私度僧尼凡欲出家者必俟祖父母父母
伯叔之命禁僧俗捨身斷手足煉指挂燈帶鉗之類幻惑流俗
者諸條皆本之舊史所載勅文勅文又載諸道供到帳籍所存

寺院凡二千六百九十四所云云即此碑所謂除已指揮存留者也長興萬壽禪院已在停廢數內至是年復行存留是以刻此牒也年月後三行但有結銜而無姓名以太祖本紀攷之右僕射兼中書侍郎平章事爲魏仁浦司空兼門下侍郎平章事爲王溥司徒兼侍中爲范質也

王氏金石萃編

太一宮記

存錄三年文見王岳金石萃編

碑高六尺六寸二分廣三尺一寸二十九行六十四字陳搏撰文宋復正書陳義篆額在影南山太乙谷

按此碑題曰華山陳搏撰鄉貢進士宋復書鄉貢進士陳義篆額文多夸誕事無可徵似非希夷手筆恐亦道流所託也宋書陳義名不見於書譜陝西通志長安縣有玄君廟在縣北三十里馮党里創自唐代又古壇廟有秦一壇元光二年從毫人繆忌奏立於長安城東南郊禮樂志武帝祀太一甘泉在京西北

云云而別無所謂太一宮者按亳人繆忌奏祠太一事見史記封禪書事在武帝立之十八年是年爲元朔六年非元封亦非元光通志與碑皆不合通志又載咸寧縣有太一元君行宮在東關鮑坡坊舊有廟在太乙谷士民以其去城甚遠不使祈祝故建行宮未知創自何代云云亦非碑所稱太一宮碑云後晉相國彙中令謂桑維翰也新舊五代史維翰傳均不載其鎮雍時歲旱禱雨之事蓋皆荒邈難稽矣後題道士王希美重立石云政和元年歲次辛卯庚寅朔十日己亥而不書何月宋史徽宗紀是年月皆不書朔稽遼史朔考是年十月庚寅朔也後道士題名者有曰秘希孟曰降清堅秘降二姓不多見

王氏金石萃編

重修文宣王廟記

建存 陸三年 見王氏金石萃編

石高六尺二寸五分廣二尺三寸四分刻字在西安府文廟

按此碑乃宋初王彥超鎮永興軍重修文宣王廟劉從乂爲文以紀其事也永興軍京兆府即今之西安府宋史王彥超傳彥超大名臨清人周顯德中官京兆尹永興軍節度六年移鎮鳳翔宋初加兼中書令代還未幾復爲永興軍節度此碑之立卽其時也碑末題彥超結銜首曰推誠奉義翊戴功臣文獻通考載功臣號始於唐德宗宋朝因之宰相初加六字餘臣初加四字其次竝加兩字彥超官檢校太師兼中書令與宰相同體碑載功臣號六字當是初加也但通考所載賜中書樞密院臣僚功臣號凡十一而以此碑六字校之只戴翊二字相合其推誠奉義四字竝通考所不載豈通考遺漏耶撰文者劉從乂史無從乂而有從義或是一人然史附文苑鄭起傳與穎贊董惇張翼譚用之張之翰竝列贊惇竝詳其官從義但稱其多藏書續

長安碑文爲遺風集二十卷下云餘皆官不達則從義之有官明矣而不詳其何官據此碑是以工部員外郎兼殿中侍御史爲觀察判官也彥超官兼觀察處置等使從父似卽爲其屬官故得撰文記修廟之事書篆者但存昭吉之名而闕其姓無從考矣

節王氏金石萃編

按書篆之昭吉自屬昭姓吉名楚公族後裔戰國時有昭奚恤昭陽昭唯王氏謂闕其姓殆未之詳攷耳

重修開元寺行廊功德碑

存建隆四年見王氏金石萃編

碑高三尺六寸四分廣四尺三寸三十八分行六十七字劉從父撰文袁正己正書并篆額王彥超建立安仁祥刻字在開元寺

按此碑以建隆四年七月十七日立是年十一月甲子改元乾德七月尙是建隆四年也王彥超及撰文之劉從父結銜與重

修文宣王廟記同事逾一年官位不改書篆者袁正已書史會要稱正已汝南人善書而不詳其官位此碑結銜可補所未備矣陝西通志載開元寺在咸寧縣治西唐開元二十八年正月二十八日玄宗於延慶殿與勝光師論佛恩德乃令天下州府各置開元寺一所此其一也宋建隆四年中書令瑯琊王彥超及僧嗣麟重修侍御史劉從義記卽謂此碑也據碑文寺已燬於唐末天祐甲子許國韓公先已重建至是乃增建四廊壁畫高僧四百五十尊卽所謂行廊功德也高僧者似卽五百羅漢之緣起本皆僧嗣麟資力而歸美於節帥故多頌太師王公之功績碑書虛禡字皆闕末筆尙沿唐諱之舊募匠作募匠似系筆誤薦字作薦凡二處通用字也

王氏金石萃編

開元寺經幢三種

尊勝陀羅尼經幢并記

乾德元年見王氏金石萃編

幢高五尺二寸八分每面廣七寸三分各八行後一面九行行六十餘字不等黃麟撰記會首王瑗正書

尊勝陀羅尼咒石幢

開寶七年

幢高一尺六寸七分至六面每一面廣六寸各五行惟第四第六兩面均四行行十七字至六面每一面廣六寸各五行

尊勝陀羅尼經幢

淳化四年

書高四尺八寸八分每面廣七寸四分各七行行六十四字正

按開元寺宋刻經幢三種本非一時而王氏連類及之統於開

元寺姑仍其舊

同州修文宣王廟碑

乾德二年見陸氏金石叢編

石高二尺四寸廣三尺六寸二十六行行二十字二十四字不等梁勗撰文行書在大荔縣

篆書千字文

乾德三年不錄

碑高一丈廣四尺三寸四分二分二十五行行四十字周興嗣刻在西安

府碑

瑛書全學李監未似張敖而袁正己隸書方勁有歐法與陰符經同非嘉祐以後人所及也

趙氏石墨齋華

右千字文宋僧夢英書他碑皆作英獨此作瑛千文他本皆云指薪修祜獨此本作修祐英公自負書家同時獨推一郭忠恕獨不聞江南有二徐在耶予謂英公特長于書法耳未通字學也此及偏旁二碑皆步趨當塗尚不失六書榘度至所作十八

體便墮惡道矣

金石存

夢英以篆法自名而體多間架筆趨便易不若少溫之安詳端雅也且多繆體字如宙字應從由而作囪往字應從圭而作彗閏字應從王而作閏嚴字應從厂而作巖匡字應從圭而作匡頓字應從支而作覘嫡字應從商而作嫡出字應從山而作出

克字應作𠄎而作𠄎列字應作𠄎而作𠄎殿字應作殿而作殿
承字應作𠄎而作𠄎穀字應作穀而作穀敕字應作敕而作敕
觴字應作觴而作觴眺字應作眺而作眺盟字應從血而作盟
或省或增或改變皆非正體又古無藏字只用臧古無岷字只
用昆古無潔字只用絜古無邈字只用藐古無懸字只用縣古
無塗字只用涂古無貽字只用詒古無妙字實用眇古無悅字
實用說此亦並用俗字揆其故蓋因玉出昆岡昆池碣石女慕
貞絜紈扇員絜等字本重疊故也又逍遙古只用消搖藝古只
用執此竟作逍遙與藝律呂調陽本作律召隋智永唐歐褚所
書皆然今則作呂更徵謬陋矣英書已傳數百年然不能免後
人之譏如此攝管者可不知所取法哉

畢氏關中金石記

重修清涼建福禪院記

存 乾德四年 見王氏金石萃編

碑述額高六尺四寸四分廣三尺一寸六分二十九行行五十字司
馬說撰文沙門道雍書并篆額在西安府碑林

按此碑爲沙門道雍書雍名不見於書譜司馬濤文亦繁蕪末

題同學法眷僧名同學法眷之稱淑見于此

王氏金石萃編

三體陰符經

存德文不錄
乾德四年

碑高六尺廣三尺六寸二分二十一行行二十十字郭忠恕三體
書安仁非勸字

右陰符經郭忠恕書篆法自唐李陽冰後未有臻於斯者近時
頗有學者曾未得其髣髴也實錄言忠恕死時甚恠豈亦異人
乎其楷書尤精也

歐氏集古錄

忠恕篆書幾與徐鉉埒而尤以工小楷名畫入妙品仕宋爲國
子主簿用酒狂得罪貶能自卜死日或云仙去不死也陰符經
最爲唐人所重褚河南前後奉敕書至累百卷中亦多精語是
老子以下鬼谷以上人作但非黃帝書耳忠恕旣謫仙人宜其

有會屢書之而不足也

王氏弁州山人彙

此刻唐懷惲禪師碑之陰三體者以篆爲正而以古隸分注于下也蠹字本從蠶從虫而省爲蠹最謬者則列字作斲耳其所用古文多無所本宋史稱忠恕有古文尙書并釋行世今其所作汗簡中採錄甚多字體亦正俗參半乃博覽之家非求精之學也篆體既變少監舊法又加之筆畫謬戾何以示後

畢氏關金石記

篆書千字文序

乾德五年見王氏金石萃編

文刻篆書千字文碑陰二十一行行三十五字陶穀撰文皇徽正書吳廷祚建安仁裕刻字

書出皇甫儼手可謂升率更之堂者

趙氏石墨鐫華

按太祖紀乾德五年十一月癸卯改元開寶此碑以九月二十八日立故仍稱乾德五年文爲夢英千字文序千字刻于正面此

序即刻於其陰千文以乾德三年刻陶穀撰序在丁卯仲春爲
乾德四年而刻以五年蓋非一時之事也序末與千文同列吳
廷祚銜名史載廷祚以乾德二年改鎮京兆開寶四年來朝遇
疾卒其在京兆八年之久矣宋史陶穀傳太祖將受禪未有禪
文穀出諸懷中以進太祖甚薄之此序乃自述其三署交官七
朝掌誥誇以爲榮甚矣其鄙也傳又稱穀諸子佛老咸所總覽
宜其爲英公作此序也函丈作函杖全謝山云出禮記王子雍

本

王氏金
石萃編

夢英十八體書

存德五年見陸氏金石續編

石高四尺一寸廣二尺五寸爲一行體並計分江淹振惠後各人贈詩
一首夢英篆書每五字爲一體並計分江淹振惠後各人贈詩

並袁允中正書
在西安府碑林

贈詩共十二人馬去非宋白賈黃中陳搏趙逢李頌盧岳許道

寧何承矩呂端僧永牙元寶咸平元年刻者惟賈黃中呂端二
詩相同此題端爲太常丞當是太祖定國初所贈然則咸平刻
云特進太子太保致仕者爲追錄無疑也米芾書史曰夢英諸
家篆皆非古失實一時又從而贈詩使人愧笑

畢氏關中金
石記

摩利支天經

存德六年文不錄

黃帝陰符經

附

二經同刻一碑高二十五尺五寸廣二尺六寸三分五釐
摩利支天經各二十五行下二尺六寸三分五釐
咸十字不等袁正己正書摩利支天經前李奉珪畫像陰符經
前拓守素畫像在西安府碑林

此碑首摩利支天經前作佛像次黃帝陰符經前作黃帝問道
廣成子像畫俱不惡書者爲袁正己亦能習歐陽率更法者因
以見宋初諸人猶步趨唐矩也

趙氏石渠編

袁正己所書摩利支天經及陰符經立於乾德在京兆國學以

太學刻二教之經不必論宋初文字徐以篆夢英以雜體袁正
已以楷皆得郭忠恕之一端而此爲袁得意之作古淡閒雅尙
有李氏遺風焉蔡襄稍爲變調繼以蘇黃各出新意陵夷至於
顛老古法掃地盡矣余於宋初猶有取焉

墨林快事

按太祖於乾德五年十一月改元開寶此乾德六年已成開寶
二年碑建於國學成于冬季何以貽誤至此殊不可解

新修唐高祖廟碑

存寶六年見王氏金石萃編

碑高一丈二尺六寸廣四尺九寸二十五行書額題大宋新修唐高祖廟

篆書廟之三原縣字

按此碑撰文之扈口無從證實攷宋史禮志太祖令李昉廬多
遜王祐扈蒙等分撰嶽瀆祠及歷代帝王碑則此碑撰銜其爲
扈蒙無疑宋史有傳字日用幽州安次人

新修周武王廟碑

存寶六年見王氏金石萃編

碑高九尺一寸廣四尺五寸二十四行行五十五字盧多遜撰文孫崇望行書在咸陽縣

宋修周武王廟碑盧多遜撰孫崇望行書亦開寶六年建蓋與唐太宗廟同時修葺者廟近王陵今廢圯碑不知何時移于城中

趙氏石墨齋華

右碑行書可觀有宋立于本廟在縣北一里今失其址碑見存今廟中夫有宋于文武成康俱于境中建廟與碑今止存此碑與康王碑而文成不可考矣噫四聖王陵寢俱在而廟貌頽圯非闕典而何

咸陽金石遺文

崇望書宋時謂之院體蓋用集聖教序筆意而加豐潤者趙頡謂出吳通微恐未必然

畢氏關中金石記

新修唐太宗廟碑

存寶六年見王氏金石萃編

碑高八尺 廣四尺 二十三行 行五十字 李瑩撰文 孫崇望行書
在禮泉縣

按撰文之李瑩宋史無傳惟太祖紀開寶七年五月戊申朔殿
中侍御史李瑩坐受南唐餽遺責授左贊善大夫當即其人

修周康王廟碑

開寶六年 陸氏金石續編

碑高五尺 六寸 廣二尺九寸 九字 正書 在咸陽縣 孫崇望行書

文有云我應天廣運聖文神武明道至德仁孝皇帝宋太祖紀
乾德元年十一月百官上尊號曰應天廣運仁聖文武至德皇
帝開寶元年十一月上尊號曰應天廣運大聖神武明道至德
仁孝皇帝與此聖文者異 畢氏關中金石記

修唐憲宗廟碑并序

開寶六年 陸氏金石續編

碑高四尺 五寸 廣二尺三寸 二十七行 行六十二三字 趙甯撰

重修龍興寺東塔記

開寶八年 王氏金石萃編

碑高五尺五寸廣三尺二十六行行四十六字正書在同州府

寺建自隋而重修于宋開寶之末檀那楊繼宗也碑內有云府主連帥太師者有曰通總隴右公者有曰觀風譙郡夏侯公者皆不可攷作碑者名帖而不言其姓亦無從知之書者并無姓名書法率更方整有之適逸不如也

趙氏石渠集華

按同州龍興寺有二一在州西北隋開皇年建一在州正西陝西通志不言建于何代但云明洪武嘉靖中重修宋有重修龍興寺塔碑以此碑攷之則亦建于隋文帝時也碑云隋文因以所居宅爲此寺隋書高祖紀皇妣呂氏以大統七年六月癸丑生高祖於馮翊般若寺紫氣充庭有尼來自河東謂皇妣曰此兒所從來甚異不可於俗間處之尼將高祖舍於別館躬自撫養而不言別館所在馮翊正同州首邑據此碑知龍興寺爲隋

文帝居宅突然據陝西通志又云州治東金塔寺右有興國寺
隋文帝龍潛處唐改隆興寺尉遲恭建是又以興國寺爲隋文
帝居宅而改建爲寺又在唐時其非卽龍興寺明矣恐通志未
確當以碑爲據也碑載院西有長興萬壽院今已無考宋史馮
繼業傳繼業字嗣宗大名人開寶二年拜靖難軍節度使三年
改鎮定國軍太平興國初來朝是碑載府主連帥太師信卽馮
繼業建碑之八年尙在鎮也未題開寶八年乙亥歲四月辛巳
朔二十九日辛未建由辛未上推至朔不應是辛巳據遼史朔
考四月是癸卯朔方與辛未合碑誤也

王氏金石萃編

蒼頡廟碑並陰

快開寶八年

石佚不計尺寸韓從調漢文韓文正行書原在白水縣

碑字甚拙其陰列孔子弟子姓名書冉耕字伯牛攷漢啟母廟

石闕銘百川柏鯨義作伯漢碑陰又有出錢幾伯文是古百伯
柏三字通用也書公冶長字子之范甯曰公冶長名芝字子長
以芝爲名非也古芝與之同字書漆雕開字子修樊遲字子緩
又分樊須爲二人則非是

畢氏闕中金石記

按錢氏潛研堂金石目錄作韓元正書與此碑異碑佚無從證
實姑兩存之

張仲荀抄高僧傳序

存無年月文見王氏金石萃編

碑連額高六尺一寸二分廣三尺四寸七分行二十四字陶
穀撰文僧夢英行書造客郭忠恕篆額在西安府碑林

英公以正書爲得行筆非所長也篆蓋乃郭忠恕郭小字篆文
習見之此漸大而尤有典則八字元爲兩行行間甚闊余手自

裝潢聯作一幅

墨林快事

宋史忠恕傳建隆初被酒與御史競於朝堂坐貶爲乾州司戶

參軍又擅離貶所創籍配靈武其後流落不復求仕進多遊岐
雍京洛間至太宗即位始召赴闕授國子監主簿則其篆碑額
亦在太祖朝遊雍岐之時故署爲遷客也 王氏金石萃編

法門寺浴室院靈異記

存太平興國三年陸氏金石續編

石高廣各二尺二十二行行二十八九字不等正書在扶風縣本寺

按太平三年四月法門寺浴室院靈異記云前節度推官毛文
恪文而識之是記爲文恪所撰特未知書者爲何人耳孫氏訪
碑錄不著撰人畢氏關中金石記槩云無撰書人姓名殊皆疏

漏

陸氏金石續編

保寧寺額牒

佚太平興國三年

石佚不計尺寸原在興平縣

牒云興平縣清梵寺宜賜保寧之寺爲額西禪院宜賜淨相禪

院爲額誌公塔院宜賜多寶院爲額法花院宜賜惠安之院爲額後有中書侍郎平章事盧者盧多遜也右僕射兼門下侍郎平章事右僕射兼門下平章事者當是沈義倫薛居正兩人

氏舉

關中金
石記

使帖

快
太平興國三年

正書刻前篆文下

中書右贊善大夫通判軍州事揚而不及劉敞等漢書刊誤曰楊氏世有兩族出赤泉侯者從木子雲當從手吳仁傑正之曰子雲先世食我食采於楊而得姓字亦應從木案魏志楊修字從木而自稱爲修家子雲知兩字古本通也後有武功郡王宋史宗室列傳太祖子德昭太平興國元年鎮永興封武功郡王

舉氏關中
金石記

縣帖

太平興國三年

正書並刻雜文下

太上老君常清淨經

存太平興國五年錄

太上昇玄消災護命經

附

太上天尊說生天得道經

附

石高五尺五寸廣二尺六寸四分四截清淨經前有畫像共書二截壽命經書第三截得道經書第四截每行經十三字行數不等

白廷森繪像並仁顯正書在西安府碑林

按此碑書者龐仁顯學步率更頗得神似三經合刻一石而月日各別上二截則書太平興國五年二月二十一日三截則太平興國五年閏三月十五日下午截篆書太平興國五年閏三月二十一日也

上清太平宮碑

存太平興國五年壬戌金石萃編

碑連額高一丈二尺四寸廣二尺二寸二十九行行六十字徐
鉉撰文張振正書在盤屋縣

按上清太平宮今名太平興國觀陝西通志在盤屋縣東三十
里終南鎮宋太宗以年號名宮今俗呼雪樣宮碑建於興國五
年撰者徐鉉書者張振宋史徐鉉傳鉉字鼎臣廣陵人仕江南
歷吏部尚書及隨煜入覲太祖命爲太子率更令太平興國初
直學士院加給事中官位與碑合張振無攷碑云我國家御歷
之元祀有神降於鳳翔府盤屋縣之望仙鄉盤屋縣後唐隸京
兆府晉隸鳳翔府宋因之玉海云國初有神降于盤屋民張守
眞家守眞爲道士即所居創北帝宮太宗嗣位眞君降言有忠
孝加福愛民治國之語詔於終南山下築宮凡二年宮成宮中
有通明殿題曰上清太平宮如眞君預言祀神之夕上望拜興
國六年十一月壬戌封神爲翊聖將軍祥符七年加號翊聖保

德真君凡真君所降語帝命王欽若編爲三卷上作序名曰真

君傳此碑建時蓋猶未封將軍之號也

王氏金石考編

扶風夫子廟堂記

存 太平興國七年 金石萃編

碑高五尺一寸八分廣三尺二寸四分十字九行行三十字 唐程浩撰文 碑夢英正書并篆額安文 際刻字在扶風縣

按此文爲唐駕部郎中程浩撰釋夢英正書篆額文全篇已載
本書九十五卷全文五百四十餘字彼碑存者祇七十一字已
取唐文萃所載增注於彼卷矣此碑所存祇半篇計二百四十
六字亡其後半而所存之文間有與彼卷增減互異之處今全
文不錄惟摘記其不同者天地吾知其至廣以其無不覆載彼
卷知下無其字廣下有也字無下有所字測明以尺圭明彼作
景偉夫夫子彼作偉哉家國用和彼作用肥道不可筌其有物
彼不作未筌作詮我先師夫子聖人也彼於聖人上重夫子二

字古之帝聖者曰堯古之君明者曰禹二句彼作帝之聖者曰堯王之聖者曰禹師之聖者曰夫子三句用之而昌捨之而亡彼而皆作者昔否於宗周今泰於皇唐彼無宗皇二字不然何耀袞而裳垂珠而王者矣彼不然下有者字耀作被珠作旒矣作哉此下彼有扶風古縣也云云半篇此全闕後夢英記重建原委其湖州臨安之誤及考證之處前跋已詳茲不贅但文佚其半而記內不言缺失之由何也夢英書此碑似亦在遊終南山時距其書千文又十七年此碑題名作英前作瑛不同而文章字學宣義大師八字則前碑所無者太宗即位二年改名曰炅故賜號不避義字末題重建歲月曰壬午歲六月蓋太平興國七年也後列同轉運祖吉轉運副使趙載權知永興軍李準三人銜名宋史俱無傳陝西通志名宦亦不載夢英記但言轉

輸二君子而銜方有三人者知軍尊于轉運不可畧也

王氏金

石萃編

廣慈禪院修瑞像記

佚 熙照二年 陸氏金石續編

石佚不計尺寸 陳搏撰文 揚從又正書 篆額題廣慈禪院 修瑞像記 九字 原在成寧縣香城寺

周約謁祠記

佚 熙照二年

石佚不計尺寸 正書 原在華嶽廟

上清太平宮鐘記

佚 拱元年 王氏金石萃編

石佚不計尺寸 王化基撰文 趙偉正書 道士張守真建 黃德用刊

按上清太平宮興建緣起已詳前碑此碑爲王化基趙偉奉勅撰書宋史列傳王化基字永圖鎮定人太平興國二年舉進士爲大理評事通判常州遷太子右贊善大夫知嵐州改淮南節度判官入爲著作郎遷右拾遺召試知制誥此碑結銜中泐六

字而存者曰朝奉郎尚書駕部則傳未嘗爲駕部官也趙偉無攷文云昔李茂貞竊據之時嘗移古道宮樓觀鐘於天柱山懸挂道士張守眞具以上請太平興國五年閏三月三日詔移是鐘歸于本宮然則此鐘從天柱山移來矣陝西通志不載天柱山即樓觀之有鐘亦未述及歐五代史雜傳梁太祖卽位諸侯之彊者皆相次稱帝獨茂貞但稱岐王開府置官屬視朝出入擬天子而已有地二十州云云此即李茂貞竊據之事也碑末不紀號而曰皇宋耕藉之元年宋史太宗紀端拱元年春正月乙亥親耕藉田還御丹鳳樓大赦改元則碑建於端拱元年七月在移鐘後九年矣

王氏金石萃編

新譯三藏聖教序

存端拱元年見王氏金石萃編

碑高六尺八寸三分廣四尺五寸二十行行四十字太宗御製文沙門雲勝書并篆額在西安碑林

西域僧天息災譯三藏太宗爲序雲勝書天息災無立裝師之
奇異太宗無唐文皇之雄才雲勝無懷仁之手腕又無王逸少
之殘墨斷楮足供其補綴時代既非不能超乘而上后之爲不

朽者難哉

趙氏石學齋

廣慈禪院莊地碑

淳化三年見陸氏金石錄

石佚不計尺寸額題本院東北兩莊地土之碑十字前段安守
忠淳化二年狀後附石晉天福六年安審琦奏并戶部牒後乃
本院主師忠狀下載
各莊地頭畝細數

呂文仲題名

淳化四年

刻大智禪師碑陰正書在碑林

文仲時以左諫議大夫與陳堯叟爲關西巡撫使見宋史本傳

畢氏關中
金石記

王著題名

存無年號

劉定慧禪師碑陰正書在鄂縣

著以攻書事太宗爲侍書傳以爲與呂文仲同時人故附于此

學氏關中金石記

崔承業題名

存化四年

劉大智禪師碑陰正書在碑林

重修裝畫彌勒佛閣記

存文錄卷三年

石高三尺五寸廣二尺三寸二分行二十六字老德用字
文揚顯文行書主父翔篆額額裝卷編勒大像并閣之記十字

功在武縣

京兆府武功縣寶口寺重修裝畫彌勒佛閣記 鄉貢進士李德

用撰 進士楊霸文書 鎮遏使主父偃篆額 夫武功縣者唐

高祖潛龍之地寶意寺者彌勒佛大像之居名山隱暎鎮於西城

麗水汪洋遶其東口即王勃有言曰人傑地靈何處不有至若

基之額自述古碑整口葺隳聊憑新記矧茲佛也身高百尺閣就
三層度木鳩工動盈口數若非信心化誘特力主張孰以興其善
事也奈以年代逾遠風口凋零虹梁欹而鴛瓦將飛繪事暗而金
身徒倚一旦有本邑知縣都監隴西殿直以驚巡之外迎送之口
下馬登臨憑欄顧望乃曰今以寇盜屏跡人民乂安稼嗇爰豐國
家康泰政事以簡軍旅稍閑始則修之以縣城用嚴禦扞次則勸
之以農務不使訟爭漸乃飾之以口蓮宮口光教法也觀茲丹艷
欲荐補修則前買木元公同心誘化共作維艸仍有效忠都頭崔
進專勤勝事夙著道心俾爲部轄之能甚有精嚴之志於是官寮
減其清俸士庶捨以口資選匠命工立成壯麗榱桷以之重密棟
梁以之不欹佛像以之莊嚴佳致以之幽夔或登樓而閑詠勢若
飛翔或寓目以匿觀宛如屏障今古盛事不其偉歟德用以早跂

文場及叨鄉薦亟承請命輒叙廢興時大宋至道二年歲次丁酉
九月癸亥朔十五日丁丑建 安璨刻字都維那頭曹州效忠第
三指揮第三都頭口進 將仕郎守主簿權縣尉呂臯 前買口
口德方殿直知縣兼兵馬兼押巡檢李崇

贈夢英詩碑

咸平元年見王氏金石萃編

碑高九尺廣四尺二寸四分作六截書各三十三行行十四字至十六字不等僧正蒙正書僧智全等建安文璣文晟刻字在

西安府
碑林

贈英公詩者三十餘人陶穀宋白蘇易簡郭忠恕諸人皆在其
中而備諸惡道無一首合作宋初人口語如此無論初盛何可
令許渾見之書手出廬岳僧正蒙得誠懸法以英公廟堂碑觀
是其相知之深者故欲有效於英耳詩中書劉伶作劉靈趙氏
石墨

華鑑

贈夢英大師詩共三十二人陶穀楊昭儉趙逢王著蘇德祥趙文度郭從義何承裕楊徽之范杲李建中張洎呂端賈玘李鑄師顏李若拙宋白賈黃中趙昌言鄭起許仲宣馬去非韓溥臧丙蘇易簡王承衍陳文顯穎贄郭忠恕陳搏宋溫舒叙次官職往往與史傳合唯李若拙范杲臧丙爲左諫議大夫鄭起爲左拾遺史並作右爲非耳又楊徽之不及爲翰林侍讀學士亦其脫畧攷碑作咸平元年刻石而史載徽之以二年爲兵部侍郎兼秘書監師顏以三年爲翰林學士呂端以太子太保致仕亦在眞宗立後一二年並在石刻後者疑碑追刻歲月實非元年所製也碑書諸人官職皆舉其後且顯者故有不合耳詩並言某人上或無上字唯范杲作狂筆言甚粗鄙不足法也夢英一沙門耳其傾動朝士不必皆如詩所云云或好事者依託爲之

以彰大其教耶然非所攷矣諸詩亦俱無可觀王著題云翰林學士中書舍人知制誥當是單州人以開寶二年卒無書名與太宗時爲侍書者是兩人

景氏闕中金石記

昭應縣文宣王廟碑

咸平二年文宣王廟碑

碑通額高六尺四寸廣四尺四寸四分二十行行四字王

按昭應縣大中祥符八年改臨潼縣屬永興軍路京兆府宋史趙昌言傳眞宗即位遷兵部侍郎知陝州未幾移知永興軍三年召入兼御史中丞此碑立于二年八月正昌言知軍時也陝西通志臨潼縣學舊在縣城北宋咸平中知縣趙恪改建主簿王漢有記即謂此碑也然碑云故廟之址居邑之南逼側蕪穢乃就邑之北擇良地筮吉日而遷焉則是自南而遷於北志載未晰且以趙恪爲趙格亦訛撰記者主簿王漢碑泐其名賴志

補之

王氏金石萃編

說文偏旁字源并序及郭忠恕答書

存平二年見陸氏金石續編

石高六尺四寸廣三尺餘書一行篆書十七行行三十三字正書十一行字數不等字源篆書自序答書正書並釋夢英書安

西文彙刻字在

英書多繆體如𠄎字作𠄎𠄎字作𠄎𠄎字作𠄎𠄎字作𠄎𠄎字作𠄎𠄎字

作𠄎𠄎字作𠄎𠄎字作𠄎𠄎皆不合六書之正者也英公書法與

郭忠恕如出一手故每相標榜恕答英公書亦頗稱之而自序

直云自李監之後惟洛陽郭忠恕共余深得其妙未免太自翊

矣字原於每字下各著一音皆自爲音切不本前人所製合

之紐弄之例猶無所誤其最謬者如音皂爲方木反攷皂字古

有兩音一音香一音皮即反從無方木之音音犛爲陌包反犛

字从牛犛聲犛字从犛省毛聲是誤以犛爲犛字音留爲方九

反說文曰楚東名缶爲留本音例詞反又誤以留爲缶字是英
公非但不識字亦並不識音

畢氏關中金石記

夢英所書偏旁五百四十部以說文校之多一子部少一、部
又部序先後間有小異郭忠恕答英公書云見寄偏旁五百三
十九字按說文字源唯有五百四十部子字合收在子部今攷
說文子字却在子部非在子部亦不可曉碑後題劉知信柴禹
錫二人銜名宋史柴禹錫傳至道初制授鎮寧軍節度知涇州
入謝上詔曰由宣徽罷者不過防禦使爾今委卿旌節兼之重
鎮可謂優異矣然則宋時節鎮雖祇空銜亦未嘗輕予也功臣
之號惟中書樞密得賜推忠字知信以庶僚得之蓋殊數也職
官志稱京兆府兼安撫使馬步軍都總管知信之銜惟帶提轄
兵甲捉賊公事不兼安撫蓋官制沿革非一史家不能盡書也

梁顥李易直題名

存文見王氏金石萃編
咸平三年

石橫廣一尺餘高七寸五分八行行七字正書左行末行缺

按宋史眞宗紀咸平三年正月益州軍變害鈐轄符昭壽遂知州牛冕等推都虞侯王均爲首作亂十月己丑雷有終追斬王均於富順監禽其党六千餘人丙寅以翰林學士王欽若知制誥梁顥分爲川峽安撫使題名部字上泐一字據史乃益字也題名言誅王均之踰月而紀乃牽連書於十月據長編李易直爲副而紀不及者畧之也咸平四年三月始分川峽爲益利梓夔四州爲四路此時尙爲川峽兩路蓋東西兩川及巴峽也梁顥與王欽若同日受命爲安撫而題名不及欽若與李及甫者及甫自副欽若而行而欽若又自赴川路殆行不同程也

王氏金石

西嶽廟乳香記

咸平六年見王氏金石萃編

碑高六尺四寸廣二尺七寸四分二十一行五十四字韓見素撰文智通正書董道篆額高紳等建姚玉鶻字在華陰廟

高紳轉運荆湖奏請勅賜南岳焚香而四岳并及之據碑南岳諸殿日破乳香一兩西岳諸殿共十一處乃日破半兩古人焚香其儉如此且所焚乳香非今香也碑正書亦有柳誠懸筆意

趙氏石渠
鐫華

按乳香廣志謂之乳頭香生南海是波斯松樹脂包紫赤如櫻桃透明者爲上宋史太祖記乾德元年十二月泉州陳洪進遣使貢白金千兩乳香茶藥皆萬計蓋當時以乳香爲難得之物也香譜載曹務光禮趙州用盆焚乳頭香此亦禮神物用乳香之一證其謂之乳頭者本草云薰陸即乳香爲其垂滴如乳頭

也 王氏金石萃編

重眞寺田莊記

咸平六年 陸氏金石續編

碑高三尺八寸廣二尺二寸記上八行計錢四十二字至四行十六字不等田莊數五行僧徒名三行記上八行計錢四十二字至四行十六字

華嶽題名八十八段

詳見王氏金石萃編

高紳韓見素等題名

咸平

石裂爲三合之橫廣一尺九寸高一尺五寸七行行六字七八字不等左行隸書原在華陰廟

高紳曾致堯李易口題名

咸平四年

石橫廣八寸高五寸五分八行行六字七字不等正書在華陰廟

口仲卿祭嶽廟題記

景德二年

石橫廣二尺二寸高九寸九行行六字正書

李濬題名

大中祥符三年

按李濬爲李超之子宋史附潘美傳李超者冀州信都人爲禁卒常從潘美軍中主刑刀美好乘怒殺人超每潛緩之美怒解輒得釋以是全者甚衆人謂其有陰德子濬字德淵中進士景德初累判吏部銓權樞密直學士尋知開封遷右司郎中出知秦州暴疾卒濬與李宗諤同歲同月後一日生其卒也亦後一日衆以爲異據李宗諤傳宗諤以大中祥符五年五月卒年四十九則濬之卒年月與春秋若干皆有可攷而知此題在大中祥符三年二月是其官秦州蓋兩年餘也

王氏金石萃編

韓國長公主設醮題記

存大中祥符三年

在乳香記右側上截七行行十四字至十七字不等正書

宋史本傳楊國大長公主至道三年封宣慈長公主咸平五年進魯國下嫁柴宗慶歷徙韓魏徐福四國仁宗立進鄧國大長

公主以眞宗本紀攷之封韓國後應是衛國非魏國也本紀是年閏二月帝幸第視疾即指此事案太宗七女惟此歷封韓國爲長公主若雍國大長公主亦改封韓非此

舉氏關中金石記

韓國長公主禱謝題記

大中祥符三年

在乳香記右側中殿作兩藏書上設懸計八行下人名四行字數各不等正書

宋垂遠等題名

大中祥符三年

在拱極觀碑右側下截五行行二十四字左行隸書後張紳題三字行書共五人

按宋史傳宋璫字寶臣華州渭南人長子明遠次子柔遠三子垂遠據此題有弟寧遠史所不載此題云庚戌季秋提點京西刑獄公事庚戌爲大中祥符三年京西舊分南北兩路後併爲一路南路所屬爲襄陽府鄧隨金房均郢唐七州光化一軍北路所屬爲河南潁昌淮寧順昌四府鄭滑孟蔡汝五州信陽一

軍垂遠家于渭南請假省母則於此路爲近也垂遠父璫傳稱卒于淳化四年年六十一至此年距璫之卒又十八年度其母年幾八十矣稱母爲北堂始見於此

王氏金石萃編

龐房等題名

大中祥符三年

在拱極觀碑右側上截作兩層書上四行字已磨泐疑爲詩行書下題名八行行五字正書

李懷口設醮題名

存年月缺

按此題名泐其年月據記有將祀汾陰四字宋史禮志眞宗東封又明年以群臣請詔許四年春祀汾陰后土此云將祀則在三年矣

王氏金石萃編

李自正題名

大中祥符六年

在張舜民題名之左三行行五字六字不等左行正書

按此題無年月但云嶽神册帝之明年西嶽加封金天順聖帝

係大中祥符五年事則此爲六年所題也

王氏金石萃編

張懷彬等題名

存

大中祥符九年

在述聖頌碑額通字之下七行行十一字十二字不等孫可久正書共四人

按天書九載即大中祥符九年

王氏金石萃編

王懷珪設醮記

存

大中祥符九年

石高一尺廣八寸八行行十二字張緯正書

李知常設醮題記

存

大中祥符口年

在乳香記左側上截六行行十五字正書共二人

許文德題名

存

天禧三年

石高六寸五分廣五寸三行行九字正書

送御書奉神述碑記

存

天禧四年

石高一尺三寸廣九寸八行行八字九字十一字不等正書

文有云已後午前丙時豎立所稱丙時即二十四路法也其法出於淮南子天文訓子午卯酉爲二繩丑寅辰巳未申戌亥爲四鈎東北爲報德之維西南爲背陽之維東南爲常羊之維西北爲號通之維所謂四維者乾巽坤艮四路也故下又有斗指子則冬至指癸則小寒指丑則大寒指報德之維則立春指寅則雨水指甲則驚蟄指卯則春分指乙則清明指辰則穀雨指常羊之維而立夏指巳則小滿指丙則芒種指午則夏至指丁則小暑指未則大暑指背陽之維而立秋指申則處暑指庚則白露指酉則秋分指辛則寒露指戌則霜降指號通之維而立冬指亥則小雪指壬則大雪等說道家傳黃帝宅經多有其法世蓋襲用之而不知其出於淮南矣又云神述碑一斤玉篇有斤字云平也又有廳字云客厨此蓋以斤爲廳案聽事之所爲

廳古無厅廳二字是即用聽字矣

畢氏關中金石記

眞宗御製詩殘字

佚年號缺

碑已斷裂僅存二塊一高一尺九寸廣一尺八寸兩截書上七行下六行每行二字至五字不等

四行字數無考

按宋詩紀事搜探眞宗詩得七首而此詩未見則亦以殘缺過甚不能錄存也詩有汾陰回輿親祠等字知爲祀汾陰以後賜從臣之作附以備攷又考玉海大中祥符四年四月丁未作西祀還京歌有寬簡育群生虔恭居大寶之語賜近臣和庚戌三司使丁謂等請以汾陰路聖製歌詩命大臣書立石此詩前序殘泐之中有勅丁二字或即勅丁謂等之文姑附識之

王氏編金石

李昭通等華嶽殘詩

存年號泐

在拱極觀左側上下皆泐共八行字數無攷行書

按此詩亦殘缺僅見李昭通姓名宋史傳有李昭慶爲繼隆子李昭遜爲繼和子並處耘孫而獨無昭通宋詩紀事亦無攷詩可讀者三句其全篇當是七律前有序云各賦小詩則非一人作也序有汾陰嶽神等字亦從祀汾陰而謁嶽神者

王氏金石編

錢若水等觀稼謁嶽廟殘題

存年號

石高八寸廣六寸四行行六字左行正書

按史傳錢若水字澹成一字長卿河南新安人眞宗即位累加工部侍郎充集賢院學士判院事修太宗實錄累知開封府又遣巡撫陝西緣邊諸郡此題觀稼謁廟殆即巡撫陝西時事而眞宗記不詳巡撫爲何年題名又無年月可系姑附於眞宗之

末

王氏金石萃編

段微明設醮記

存乾興元年

石高一尺五分廣七寸七行行十字至十八字不等正書

題云奉宣差入內內侍省內侍高品段微明往慶成軍太寧宮
太寧廟開啟道場慶成軍即河中府榮河縣以大中祥符中陞
爲軍太寧宮即后土祠禮志曰大中祥符四年改奉祇曰太寧
宮石刻宮名泐一字知爲太字 畢氏關中金石記

范雍題名

存 乾興元年

石高一尺一寸廣四寸五分四行行九字十字不等正書

題云陝西轉運使尙書兵部員外郎賜紫金魚袋以傳攷之當
由京東轉運副使歷河北轉運使及陝西也史不及兵部員外
郎是其缺畧 畢氏關中金石記

上官冲等題名

存 乾興元年

在周約題名之左四行字數不等左行正書共二人

范雍再謁祠題名

天 存 嘉 元 年

石高一尺一寸廣五寸五分四行行十字十三字不等正書

題云今歲自三司度支副使遷此官復爲本路轉運使以傳合
之蓋由陝西轉運使入爲三司戶部副使又徙度支以尙書工
部郎中爲龍圖閣侍制陝西都轉運使耳

畢氏關中金石記

劉巨川題名

天 存 聖 三 年

在張承樞題名之下共四行行十三字正書

宋漢臣題名

天 存 聖 三 年

石橫廣一尺三寸高一尺一寸十一行行十二字左行正書

按此題年月日皆用支干而不言數今以遼史朔考考之壬戌
是真宗乾興元年乙巳爲四月辛亥是十二日也甲子爲仁宗
天聖二年丁口月者二月建丁卯也乙口歲戊口月者天聖三

年乙丑正月建戊寅也壬午月壬午朔丁酉日者五月十六日也乙酉月庚戌朔辛亥日者八月二日也謂天聖二年二月解罷三年正月赴闕五月同判華州八月祭禱靈嶽也宋漢臣無

傳

王氏金
石萃編

杜詵等題名

存號年

石橫廣二尺五分高一尺一寸六行行五字六字不等左行正書共五人

按題名五人無年月可系五人中惟蘇舜欽有傳舜欽字子美易簡孫初以父任補太廟齋郎調陽縣尉玉清昭應宮災詣登聞鼓院上疏尋舉進士改光祿寺主簿玉清昭應宮災乃天聖七年六月事姑以此題附天聖後

王氏金石萃編

陳執中題名

存祐四年

在韓賞告華嶽廟碑下截右旁共三行行十八字正書

宋史本傳執中字昭譽明道中安撫京東進天章閣待制使還
知應天府徙江甯府再遷工部郎中改龍圖閣直學士知永興
軍按此所云與史傳合

畢氏關中金石記

題名殘石

佚寶元二年

石橫廣一尺三寸高五寸五分五行行四字正書又附進士鄭
擲名

按紀號元字泐上一字當是寶元

王氏金石萃編

王堯臣藍元用等題名

存慶歷五年

石橫廣一尺高九寸九行行九字左行正書

題云被詔綏撫涇原又云經畫西事以史攷之即王堯臣也堯
臣以翰林學士知審官院陝西用兵爲體量安撫使韓琦徙秦
州范仲淹徙耀州堯臣言二人不當置之散地又薦种世衡狄
青有將帥才慶歷二年九月趙元昊自鎮戎軍原州入寇乘勝

掠平涼關中震恐仁宗思其言復以琦仲淹爲招討使使堯臣
再撫涇原其所論沿邊城砦設險阨要賊徑通屬及備禦輕重
之策動關利害故史節載其文以仁宗本紀攷之是年十月甲
寅有遣使安撫涇原路之文而不署姓氏夫堯臣能識韓范於
旣敗之後舉种狄於未用之先所見已爲卓然又經畧西兵朝
廷多從其計至以疏請諸事付之各鎮用取爲法是堯臣之出
爲當時重有關係之人本紀反畧之宋史之採摭失當於此可

見

畢氏關中金石記

王榮張孔孫題名

存 歷七年

在唐李貽孫題名之右各一行字數不等正書

施昌言題記

存 歷七年

石連額座高一尺六寸廣九寸五行行八字隸書

按陝西通志不載是年修廟事昌言字正臣通州靜海人傳稱其由三司度支副使除天章閣待制河北轉運副使降知華州

王氏金
石萃編

田況與弟浹題名

佚
慶歷七年

在程道路題名之下四行行七字八字不等左行正書

按宋史傳田況字元均趙元昊反夏竦經畧陝西辟爲判官言治邊十四事累官陝西宣撫副使東都事畧載其餘龍圖閣直學士知成德軍徙秦州進樞密直學士知渭州

王氏金石萃編

謁岳廟題名

存
慶歷七年

在田况題名之左五行行八字九字不等左行正書共二人名全泐

程琳等謁嶽祠題名

存
慶歷七年

碑長四尺二寸八分每面廣七寸五分題名刻前四面各三行行十七字正書共九人

按宋史琳字天球永寧軍博野人累遷工部尙書加大學士河北安撫使改武昌軍節度使知永興軍陝西安撫使以宣徽北院使判延州仍爲陝西安撫使所載與題名互有詳畧而無年月可攷題名云丁亥歲六月則慶歷七年也東都事畧云寶元二年遷工部尙書加資政殿大學士河北安撫使拜武昌節度使知永興軍明年拜宣徽北院使判延州則當在康定元年與題名不合傳不書琳子此則有男嗣隆嗣弼嗣恭又有姪男嗣

直可補史缺

王氏金石萃編

葉清臣等題名

存 慶歷八年

在程琳題名石幢第五六兩面各三行行二十字正書共六人

按宋史傳清臣字道卿蘇州長洲人天聖二年進士累擢起居舍人龍圖閣學士權三司使公事出知江甯府踰年入翰林爲

學士父憂服除宰相陳執中素不悅之即除翰林侍讀學士知
邠州改澶州進尙書戶部郎中知青州徙永興軍浚三白渠溉
田踰六千頃會河決商湖北道艱食復以爲翰林學士權三司
使此題慶歷丁亥秋赴官欵祠明年四月蒙恩召還再經宇下
則此題在慶歷八年戊子陳執中入相始于慶歷五年至皇祐
元年八月罷是慶歷七八兩年正執中當國之時也赴官在七
年之秋召還在八年之夏其官永興僅踰半年而浚渠溉田有
惠于民如此史傳未嘗晰載年月不觀此題不知其勤民之敏
也因表出之

王氏金石萃編

程琳再題名

佚
皇祐元年

在石幢第七八兩面各三行行二十字正書共七人

內有云太常博士蔡挺即工部尙書蔡敏肅公也字子政史但

載從王堯臣范仲淹兩次宣撫陝西不及程琳并不及太常博

士俱是缺畧

畢氏關中金石記

傅口題名

存 皇祐三年

在濟國公題名之後六行字數不等正書

李杞題名

存 皇祐三年

在唐表題題名之右四行行七字八字不等正書

蘇軾有臘月遊孤山訪惠勤惠思二僧詩又有李杞寺丞見和

前篇復用元韻答之詩疑即其人

畢氏關中金石記

孫昌夏大灘題名

存 庚子

石高四寸五分廣四寸四行行五字六字不等正書

成麟殘題名

佚 年 湯

題名上缺在王希倩之左四行字數無致左行正書共三人

張恭禮設醮題記

存 嘉祐四年

在乳香記右側下截五行行十三字正書

程遵路題名

存 嘉祐七年

在唐沂國公題名之後十行行二字左行詠書

內侍省口口設醮題記

存 平二年

在乳香記左側下截十一行行七字八字不等正書共三人名
片殘缺

史炤題名

存 平三年

石橫廣七寸五分高五寸餘上已殘缺五行行約七字正書

閩詢題名

存 寧元年

在華嶽頭碑後蔡延慶題名之下一行二十四字正書

宋史詢傳詢知商州神宗初轉右諫議大夫改邠同二州提舉
上清太平宮使此詢自署諫議大夫是從商州還朝道經於此

留題耳

畢氏關中金石記

陳繹等題名

存 熙寧二年

在華岳頌碑第十八行人神皆悅字之下二行行三十七字四十四字不等行書共六人

按宋史本傳繹字和叔開封人神宗立爲陝西轉運副使入直舍人院修起居注知制誥拜翰林學士以侍講學士知鄧州史不及爲京東轉運使者缺也

畢氏關中金石記

楊遂題名

存 熙寧三年

在華岳頌碑右一行三十二字正書

題云宋馬軍都使容州觀察使新環慶副都總管楊遂宋史作楊燧云開封人累遷榮州團練使京城左廂巡檢英宗即位以爲鄧州防禦使步軍都虞侯歷環慶涇原鄜延二路副都總管至馬軍副都指揮使由容州觀察使拜寧遠軍節度殿前副都

指揮使卒諡莊敏地理志容州屬廣南路

畢氏圖中金石記

編纂渭南武樹善